

Evening Dogri News Bulletin, 11th January 2025 NSD

आकाशवाणी

Headlines

1. प्रधानमंत्री नरेन्द्र मोदी होरें आक्खेआ ऐ जे विकसित भारत युवा नेता संवाद देशें दे युवाएं गी राष्ट्र दी विकास यात्रा च शामिल करने दी इक अनोखी पैहल।
2. गृह मंत्री होरें सब्बनें राज्यें सोयां नशीले पदार्थें खिलाफ लड़ाई च केंद्र सरकार कन्नै सहयोग करने दा आह्वान कीता।
3. केंद्रीय सूचना ते प्रसारण मंत्री अश्विनी वैष्णव होरें अज्ज पुणे च सेंटर फॉर एडवांस्ड कंप्यूटिंग डेवलपमेंट- सी डी सी दा दौरा कीता। उने तेजा जेएस 64 चिप दा उद्घाटन कीता।
4. भारत, आधिकारिक सांख्यिकी आस्तै बिग डेटा ते डेटा साइंस पर संयुक्त राष्ट्र दे माहिरें दी समिति च शामिल होई गेआ ऐ।

Kolkutta- Gajener Singh

केन्द्रीय संस्कृति ते सैलसफा सरबन्धी मंत्री गजेन्द्र सिंह शेखावत होरें अज्ज कोलकाता दे साइंस सिटी च जलवायु परिवर्तन पर इक कला गैलरी दा उद्घाटन कीता। इस गैलरी दा नां ऑन द एज ऐ। दो मंजिले च दस हजार वर्ग फीट च फैली दी एह गैलरी इक विशेष अनुभव प्रदान करदी ऐ। इस मौके पर शेखावत होरें आक्खेआ जे सरकार वैज्ञानिके च कन्नो कन्नी आम लोकें गीब बी पर्यावरण दी सुरक्षा दी जिम्मेदारी लैनी लोडचदी। उने भारत दे प्रधानमंत्री नरेन्द्र मोदी हुन्दे आस्सेआ शुरू कीते गेदे अभियान एक पेड़ मां के नाम दी भूमिका पर जोर दिता। उने आक्खेआ जे केंद्र सरकार नै पिच्छले 10 बरें च 80 करोड़ पौधे लाए ना।



Goyal-Bharat Climate Forum

केन्द्रीय बपार ते उद्योग मंत्री पीयूश गोयल होरें आखेआ ऐ जे भारत दुनिया दे सब्बने शा बड्डे डाटा केन्द्रें अमले देश दे तौर पर कायम होने दा लक्ष्य रखदा ऐ। नमीं दिल्ली च कल भारत जलवायु फोरमदे बाहें श्री गोयल होरें आखेआ जे भारत दे अंतर संपर्क ग्रिड, स्वच्छ ऊर्जा, डाटा सुरक्षा ते कुशल कर्मी होने करी, इस लक्ष्य गी हासल कीता जाई सकदा ऐ। मंत्री होरें आखेआ जे डाटा केन्द्रें दे गढ दे तौर पर भारत बक्खी आकर्षण दा कारण इयै बड्डे पैमाने पर मजूद डाटा दे साधन वसीले च जित्थुआं आर्टिफिशल इंटेलीजेंस दे मॉडल्स विकसित होई सकदे ना। मंत्री होरें स्वच्छ ते टिकाऊ ऊर्जा लेई सरकार दी वचनबद्धता गी बी उजागर कीता।





UN-India Data Science

भारत, आधिकारिक सांख्यिकी आस्तै बिग डेटा ते डेटा साइंस पर संयुक्त राष्ट्र दे माहिरें दी समिति च शामिल होई गेया ऐ। भारत हुन आधिकारिक सांख्यिकीय मकसद आस्तै बिग डेटा ते डेटा साइंस दा इस्तेमाल करने च वैश्विक मानकें ते सरबंधी चीजें गी आकार देने च योगदान देग। सांख्यिकी मंत्रालय नै इक बयान च आक्खेआ ऐ जे माहिरें दी इस समिति च भारत दा शामिल होना देशै दे सांख्यिकीय पारिस्थितिकी तंत्र आस्तै महत्वपूर्ण गैं ऐ। मंत्रालय नै दस्सेआ ऐ जे माहिरें दी समिति च देश दी सक्रिय हिस्सेदारी, डेटा इनोवेशन लैब दी स्थापना ते वैकल्पिक डेटा स्रोतें दी खोज सनें इस दे जतनें गी उजागर करोग। संयुक्त राष्ट्र दे माहिरें दी एह समिति बिग डेटा दे लाहू ते चुनौतियेेँ दी जांच आस्तै बनाई गेई ही, जिसदे च सतत विकास लक्ष्येेँ पर निगरानी ते रिपोर्टिंग दी क्षमता शामिल ऐ।



Ayodhya

अयोध्या च श्रीराम जन्मभूमि मंदिर च रामलला प्रतिष्ठा दी पैंहली बरे गड दे मौके पर त्रै रोजा प्रतिष्ठा द्वादशी उत्सव अज्जे सोयां शुरू होआ। इस मौके पर श्रीराम मंदिर गी 50 क्विंटल सोयां मते फूल्लें कन्ने सजाया गेदा ऐ। रामलला दा पंचामृत ते सरयू जल कन्ने अभिषेक कीता गेआ। ते 56 भोग दा प्रसाद चढ़ाया गेया ते महाआरती भी कीती गेई।



PM Ayodhya

प्रधानमंत्री नरेन्द्र मोदी होरें अयोध्या च श्री राम लला दी प्राण प्रतिष्ठा दा इक ब'रा पूरा होने दे मौके उप्पर अज्ज सब्बनें देशवासियें गी मुबारकबाद दित्ती ऐ। सोशल मीडिया पर कीती गेदी इक पोस्ट च मोदी होरें आखेआ ऐ जे केई सदिएं दे बलिदान, सबर ते संघर्ष दे बाद इस मंदरै दा निर्माण होआ हा। उनें इस मंदरै गी स्थाडी संस्कृति ते आध्यात्मिकता दी इक म्हान विरासत करार दित्ता। प्रधानमंत्री होरें विश्वास जताया ऐ जे एहू भव्य राम मंदर, भारत गी विकसित राश्ट्र बनाने दे धेइये गी पूरा करने दी इक बड्डी प्रेरणा बनोग।



PM Sonamarg Tunnel Inauguration

जम्मू-कश्मीर लेई इक महत्वपूर्ण पैहलकदमी दे तैह्त प्रधानमंत्री नरेन्द्र मोदी होर औंदी 13 जनवरी गी बडे मते सामरिक महत्वै आहली 6 किलोमीटर 400 मीटर लम्मी सोनामर्ग सुरंग दा उद्घाटन करडन। प्रधानमंत्री हुंदे दौरे शा पैहले समूलचे खित्ते, खासकरियै श्रीनगर ते मध्य कश्मीर च सुरक्षा सरबंधी हीले निगार करी दित्ते गे न। 2 ज्हार 700 करोड रुपें दी इस परियोजना कन्नै श्रीनगर ते सोनामर्ग बश्कार पूरे ब'रे हर रूतै च सिडक संपर्क दी सुविधा उपलब्ध होग ते कन्नै मुकामी कारोबार ते सैलसफा गी बी बढावा थ्होग। इस परियोजना कन्नै श्रीनगर ते लेहू बश्कार सफर दा समें बी घटोग ते एहू इलाकाई ढांचागत विकास ते संपर्क दे लेहाज कन्नै खित्ते च इक ऐतिहासिक गैहू साबत होग।



PM-France Tour

फ्रांस दे राष्ट्रपति इमैनुएल मैक्रों होरें घोशणा कीती ऐ जे भारत दे प्रधानमंत्री नरेन्द्र मोदी होर अगले म्हीने फ्रांस दे दौरे पर आवा करदे न ते उत्थें लगने आले आर्टिफिशल इंटेलीजेंस शिखर सम्मेलन च हिस्सा लैगन। फ्रांसीसी राजदूतें दे सम्मेलन च मैक्रों होरें भरोसा जताया ऐ जे एहू सम्मेलन आर्टिफिशल इंटेलीजेंस दे क्षेत्र च इक बड़ा गै महत्वपूर्ण पड़ांहु साबत होग।

<><><><><><>

Singapur President-India

सिंगापुर दे राष्ट्रपति थर्मन शन-मुग-रत्नम 14 जनवरी सोयां 18 जनवरी तकर भारत दौरे पर औने आहूले न। एह दस बरें च सिंगापुर दे कुसै बी राष्ट्रपति दी पैंहली आधिकारिक भारत यात्रा होग। शन-मुग-रत्नम हुन्दी राजकीय यात्रा भारत ते सिंगापुर बश्कार राजनयिक सरबंधें दी 60मी बरे गंड दा प्रतीक भी बनोग। अपनी यात्रा दौरान ओहू राष्ट्रपति द्रौपदी मुर्मू ते प्रधानमंत्री नरेंद्र मोदी हुन्दे कन्नै बैठक करडन।

<><><><><><>

India-Srilanka

कोलंबो च भारतीय उच्चायोग नै शुक्रवार गी आईटीसी रत्नदीपा च भारत-श्रीलंका साझेदारी पर पैंहले उच्चस्तरीय गोलमेज साझेदारी सम्मेलन दी मेजबानी कीती। इस सम्मेलन नै दपक्खी सहयोग गी मजबूत करने सरबंधी मौके गी तलाशने दी दिशा च नीति निर्माताएं, माहिरें ते परामर्शदाताएं गी इक मंच प्रदान कीती। मुख चर्चाएं भू-राजनीतिक

गतिशीलताएं, राजनीतिक सरबंधे, आपसी सुरक्षा ते सांस्कृतिक सम्पर्के पर केन्द्रित रेई। माहिरें भौतिक ऊर्जा ते डिजिटल क्षेत्रे च सम्पर्क गी बढ़ावा देने ते व्यापार ते निवेश गी बढ़ाने, सतत् विकास लक्ष्य गी हासिल करने आस्तै रणनीति भी पेश कीती। उच्चायुक्त संतोष झा होरें दोने गोआंडिएं बश्कार दे सरबंधे गी सशक्त बनाने दे महत्व दा जिक्र कीता।

<><><><><><><>

CSPOC-Om Birla

लोकसभा अध्यक्ष ओम बिरला होरें 2026 च राष्ट्रमण्डल देशे दी संसदे दे अध्यक्षे ते पीठासीन अधिकारिये दे 28में सम्मेलन च भारत दी मेजबानी करने दी घोषणा कीती ऐ। इक सोशल मीडिया पोस्ट च बिरला होरें विश्वास जाहिर कीता जे औन्दा कार्यक्रम महत्वपूर्ण वैश्विक मुद्दे गी संबोधित करने सरबंधी अर्थपूर्ण संवाद ते सहयोगात्मक जतने गी बढ़ावा देग। उने आक्खेआ जे 28में सीएसपीओसी च कार्यकारी संसदे च आर्टिफिशियल इंटेलीजेंस ते सोशल मीडिया दे एप्लीकेशन पर बल दिता जाग। बिरला होरें इस अगुवाई ते मेहमाननवाजी आस्तै ग्वेर्नसे दे बेलीफ दे पीठासीन अधिकारी, महामहिम सर रिचर्ड मैक-मोहन हुनदे प्रति आभार भी जाहिर कीता।

<><><><><><><>

Weather

उत्तर पश्चिम भारत च घने कोहरे करी अगले दो दिने तक गरज कन्नै हल्की बरखा होने दी संभावना ऐ। मौसम विभाग नै आक्खेआ जे पश्चिमी हवाएं दे गडबडी करी कल तक उत्तर पश्चिम भारत दे कश् हिस्से च बरखा ते

बर्फबारी होई सकदी ऐ। आकाशवाणी समाचार कन्नै गल्लबात करदे होई मौसम विभाग दी वैज्ञानिक डॉ. सोमा सेन होरें आक्खेआ जे अज्ज पंजाब, हरियाणा, पश्चिम उत्तर प्रदेश, राजस्थान, उत्तराखंड, हिमाचल प्रदेश ते मध्य प्रदेश दे कश्चि हिस्सें च अंधी ते एन पौने दी शेंका जाहिर कीती ऐ। सेन होरें आक्खेआ जे इस महीने दी 14 तारीक तगर बडलै ते रात की दौरान दिल्ली, पंजाब, हरियाणा, चंडीगढ़, उत्तर प्रदेश, हिमाचल प्रदेश, राजस्थान ते मध्य प्रदेश च घना कोहरा छाए रौहने दी बी संभावना ऐ। कल तक उप-हिमालयी पश्चिम बंगाल, सिक्किम, बिहार, ओडिशा ते पूर्वोत्तर च बी ऐसी गै स्थिति बनी रौहने दी मेद ऐ। मौसम विभाग नै अगले त्रै दिनें च उत्तर पश्चिम भारत च घट्टोघट्ट तापमान च 2 सोयां 3 डिग्री सेल्सियस दा बादे दा बी अनुमान जाहिर कीता ऐ। राष्ट्रीय राजधानी दिल्ली च घने कोहरे दी स्थिति आस्तै येलो अलर्ट जारी कीता गेया ऐ। घने कोहरे करी केई रल गडेडिएं ते डोआरिएं दी सेवा बाधित होई ऐ। दिल्ली औने आहली करीब 26 ट्रेनां नौ सोयां 10 घंटे तक दे चिर कन्नै चला र दी ऐ। इस दौरान, दिल्ली हवाई अड्डे नै आक्खेआ ऐ जे हवाई अड्डे पर घट्ट नजरी औने आहली स्थिति अजें बी जारी ऐ। हालांकि, डोआरिएं दी आवा जाई पर कोई असर नैई पेआ ऐ। यात्रिये गी सलाह दिती जन्दी ऐ जे ओह बोर्डिंग सोयां पैहले अपनी ट्रेनें ते डोआरिएं दी ताजा स्थिति दी जांच करी लैंन।

<><><><><><>

IMD Jammu MoS

केन्द्री मंत्री डाक्टर जितेन्द्र सिंह होरें जम्मू च मौसम सरबंधी इलाकाई केन्द्र स्थापित करने दी घोशणा कीती ऐ। एह्दे कन्नै खित्ते च मौसम सरबंधी सेवाएं गी होर बेहतर बनाने च मदाद मिलोग। मौसम विभाग दे 150 ब'रे पूरे होने दे सरबंधै च आयोजित कार्यशाला गी संबोधत करदे होई मंत्री होरें गलाया जे इस नमें केन्द्र कन्नै खित्तै दी टकोह्दी चुनौतिएं कन्नै निब्बडने च मदाद होग ते मौसम सरबंधी सेई ते स्टीक जानकारियां उपलब्ध होडन। प्रधानमंत्री नरेन्द्र मोदी होर 14 जनवरी गी इस सरबंधै च कार्यक्रम दी सदारत करगंन। केन्द्री मंत्री होरें आलमी सतह उप्पर इक अगुआ दे तौर उप्पर उभरियै सामने औने लेई भारतीय मौसम विभाग दी सराहना कीती। उनें आखेआ जे जम्मू-कश्मीर च एक्स बैंड रडारें ते भलेआं अज्जै-कल्लै दिएं तकनीकें कन्नै लैस ते आपूं कम्म करने आले मौसम सरबंधी केन्द्र, मते महत्वै आले कार्यक्रमें दरान सटीक जानकारी हासल करोआंदे न। एहू जतन सरकार दे मिशन मौसम कन्नै जुड़े दा ऐ जेह्दा मकसद भारत गी हर मौसम लेई तैआर ते क्लाइमेट स्मार्ट बनाना ऐ तां जे विकास बाद्धे दी बत्तै पर अगड़े बधने दा कोई बी माड़ा प्रभाऽ पर्यावरण ते आवो-हवा पर नेई पवै।

<><><><><><>

LG Sinha

लेफ्टिनेंट गवर्नर मनोज सिन्हा होरें साबका प्रधानमंत्री सुरगवासी लाल बहादुर शास्त्री होरें'गी उंदी पुन्नतिथि पर श्रद्धांजलि अर्पित कीती ऐ। सोशल मीडिया पर कीती गेदी इक पोस्ट च एलजी होरें लाल बहादुर शास्त्री होरें'गी मान-सम्मान, सादगी ते अखंडता दी मूरत करार दित्ता। उनें आखेआ ऐ जे शास्त्री होरें राष्ट्र दी तरक्की ते कल्याण लेई केई अहम सुधार कीते ते उंदे विचार, भारत गी खुशहाल ते आत्मनिर्भर बनाने लेई सदा स्हाड़ा सब्बनें दा मार्गदर्शन करदे रौहडन।

<><><><><><>